

Ustav

O'zbekiston Respublikasi Fanlar Akademiyasi

Navoyi bo'limi

USTAVI

I. UMUMIY QOIDALAR

Ushbu Nizom O'zbekiston Respublikasi Fanlar Akademiyasi Navoiy bo'limining faoliyatini tashkil etish tartibi, maqsadi va vazifalarini belgilaydi.

1. O'zbekiston Respublikasi Fanlar Akademiyasi Navoiy bo'limi (quyida - «Bo'lim») O'zbekiston Respublikasi Prezidentining “Fanlar akademiyasi faoliyati, ilmiy tadqiqot ishlari tashkil etish, boshqarish va moliyalashtirishni yanada takomillashtirish chora tadbirlari to'g'risida” 2017 yil 27 fevraldag'i PQ-2789 sonli Qarori hamda O'zbekiston Respublikasi Vazirlar Mahkamasining “O'zbekiston Respublikasi Fanlar Akademiyasi Navoiy bo'limi faoliyatini tashkil qilish chora- tadbirlari to'g'risida 2017 yil apreldagi VMQ-sonli Qarori asosida tashkil etilgan bo'lib, O'zbekiston Respublikasi Fanlar Akademiyasining mustaqil yuridik tashkiloti maqomiga ega bo'lgan «Bo'lim» sifatida faoliyat ko'rsatadi. Bo'lim o'z faoliyatini O'zbekiston Respublikasi Fanlar Akademiyasi Hay'atining ilmiy-uslubiy rahbarligi ostida amalga oshiradi.

2. Bo'lim o'z ish faoliyatini O'zbekiston Respublikasi Konstitutsiyasi, O'zbekiston Respublikasi qonunlari, O'zbekiston Respublikasi Oliy Majlisi palatalarining Farmoyishlari, O'zbekiston Respublikasi Prezidentining Farmon va Qarorlari, O'zbekiston Respublikasi Vazirlar Mahkamasining Qaror va Farmoyishlari, O'zbekiston Respublikasining boshqa Qonunchilik hujjatlari, Fanlar Akademiyasining Nizomi hamda ushbu Nizom asosida olib boradi.

Bo'lim tezkor boshqarish huquqi asosida alohida mulkka ega bo'lib, qonun hujjatlarida belgilangan tartibda o'z nomidan mulkiy va shaxsiy nomulkiy huquqlarni olishi va amalga oshirishi, majburiyatlar olishi, sudda da'vogar va javobgar bo'lismumkin.

4. Bo'limning to'liq rasmiy nomlanishi:

o'zbek tilida - O'zbekiston Respublikasi Fanlar Akademiyasi Navoiy bo'limi;

rus tilida - Navoiyskoe otdelenie Akademii nauk Respubliki Uzbekistan (sokrashchenno «NO AN RUZ»);

ingliz tilida - Navoi branch of Academy of Sciences of Uzbekistan.

5. Institut manzili: - Navoiy sh., 104070, G'alaba shoh ko'chasi_____

6. Bo'lim yuridik shaxs hisoblanib, o'z alohida mulkiga, mustaqil balansiga, banklarda o'z hisob, valyuta va boshqa hisob raqamlariga, o'z nomidagi gerbli dumaloq muhrlarga, gerbli blankasiga, shtamp, emblema va o'z ish faoliyatini olib borish uchun zarur bo'lgan boshqa belgi va atributlarga ega.

7. Bo'lim o'z nomidan shartnomalar tuzishi, mulkiy va mulkiy bo'Imagan huquqlarga ega bo'lismumkin.

II. BO'LIM FAOLIYATINING MAQSADLARI, ASOSIY VAZIFALARI VA YO'NALISHLARI

8. Bo'limning faoliyati tabiiy fanlar sohasidagi ilmiy tadqiqotlarning belgilangan tartibda tasdiqlangan asosiy yo'naliishlari va dasturlari, ishlarning uzoq muddatga mo'ljalangan rejalar bilan aniqlanadi.

9. Bo'lim quyidagi ilmiy yo'naliishlar bo'yicha ishlar olib boradi:

- Navoiy viloyatidagi sanoat va qishloq xo'jaligi tarmoqlari korxonalarining holatini tizimli tahlil qilish va ularning dolzarb ilmiy muammolarini samarali yechimini topish uchun aniqlash;
- Navoiy viloyatidagi iqtisodiyot tarmoqlari korxonalarining texnik va texnologik rivojlantirishga yo'naltirilgan va energo va resurstejamkorlikni ishlab chiqarishga tadbiq qilishni, mahsulotlar tannarxini pasaytirishni va hudud aholisining turmush farovonligini oshirishni ta'minlovchi texnologiyalarni ishlab chiqish bo'yicha ilmiy tadqiqotlar tashkil qilish va olib borish;
- Navoiy viloyatini ijtimoiy – iqtisodiy, texnologik rivojlantirishga yo'naltirilgan ilmiy -tadqiqotlarni monitoring qilish va muvofiqlashtirish;
- geologiya, konchilik ishi, metallurgiya, kimyo, geotexnologiya, robototexnika, mexatronika, nanotexnologiya, biotexnologiya, agrokimyo, ekologiya, avtomatika, energetika va mashinasozlik sohalarida hudud muammolarini hal etishga yo'naltirilgan fundamental, amaliy tadqiqotlar o'tkazishda va innovatsion ishlanmalarini ishlab chiqishda faol qatnashish;
- Innovatsion ishlanmalarni ishlab chiqarishga joriy qilishni tashkillashtirish va ko'maklashish;
- Navoiy viloyatining muammolarini o'rganishga va ular bo'yicha tadqiqotlar olib borishga yo'naltirilgan dasturlar doirasida Xalqaro xamkorlikni tashkillashirish, shu jumladan hamkorlikda bajariladigan ilmiy tadqiqotlarga xorijlik yetuk mutaxassislarni jalg qilish;
- Yuqori malakali mutaxassislarni tayyorlashda, hududdagi oliy ta'lim yurtlari o'qituvchilarining, hamda ishlab chiqarish korxonalari mutaxassislarining malakasini oshirish va qayta tayyorlashda ishtirok etish;
- Navoiy viloyatini ijtimoiy-iqtisodiy rivojlantirishning dolzarb yo'nalishlarida ishlab chiqarish, fan va yuqori malakali kadrlarni tayyorlash bo'yicha integratsiya jarayonlarini tezlashtirishga yordam beruvchi tashkiliy, intelektual hamda moddiy- texnik sharoitlarni yaratish.

10. Bo'lim o'ziga yuklatilgan vazifalarga muvofiq ravishda:

- Navoiy viloyatida faoliyat ko'rsatayotgan sanoat korxonalari, qishlok xo'jalik tarmoqlarining dolzarb muammolarini o'rganib, ularni yechimini topishda takliflar ishlab chiqadi hamda muammolar yechimini topishga yo'naltirilgan Respublikadagi Ilmiy -tadqiqot institutlari tomonidan bajariladigan xo'jalik shartnomalari, amaliy va innovatsion ilmiy -tadqiqotlarning olib borilishi muvofiqlashtiradi;
- Navoiy viloyatida faoliyat ko'rsatayotgan sanoat korxonalari, qishlok xo'jalik tarmoqlari tashkilotlari bilan Respublikadagi Ilmiy -tadqiqot institutlari o'rtasida tuziladigan tarmoqlardagi mavjud muammolarini yechishga, mahsulot tannarxini kamaytirishga, innovatsion ishlanmalarini yaratishga yo'naltirilgan xo'jalik shartnomalarining rasmiylashtirishi va bajarilishi jarayoni bilan bog'liq bo'lgan xizmat turlarini ko'rsatishi hamda shartnomalarining samarali bajarilishini nazorat qilishi, ilmiy maslahatlar va loyihalarga ekspertiza xulosalarini berishi evaziga tuzilgan shartnomalarning umumiyy bahosidan 5 foyiz mablag' oladi;
- Navoiy viloyatining iqtisodiy rivojlanishiga, aholisining ijtimoiy- turmushining yaxshilanishiga, viloyatda ishlab chiqariladigan mahsulotlar tannarxini pasaytirishga yo'naltirilgan ilmiy tadqiqotlar olib boradi va bu tadqiqotlarga Respublikamizdagi Ilmiy -tadqiqot institutlarini jalg qiladi;
- tanlov loyihalari, xo'jalik shartnomalari va xorijiy grantlarga muvofiq ravishda ilmiy tadqiqotlar va ishlarni amalga oshiradi;
- fanning zamonaviy yo'nalishlari bo'yicha davlat ahamiyatiga molik tadqiqot ishlari olib boradi;
- innovatsion dasturlar ishlab chiqishda ishtirok etadi va innovatsion mahsulotlarni ishlab chiqarishni tashkil etadi;
- Vazirlıklar, Boshqarmalar, kompaniyalar, uyushmalar, korxonalar va tashkilotlar bilan hamkorlikda olingan ilmiy tadqiqot natijalarini Navoiy viloyatining hamda Respubliamizning iqtisodiy sohalarida ishlab chiqarishga o'z vaqtida qo'llash choralarini amalga oshiradi;
- Navoiy viloyati xududida hamda Respublikamizdagi ilmiy muassasalar, ilmiy-texnik markazlar, oliy o'quv yurtlari (avvalo magistratura tarmog'i), kolledjlar, akademik litseylar, vazirlıklar, boshqarmalar, kompaniyalar, korxona va tashkilotlar, ilmiy va ilmiy -texnik uyushmalar, ijodiy

ittifoqlar bilan o'zaro manfaatli ilmiy, ilmiy-texnik hamkorlikni o'rnatadi va rivojlantiradi;

- Bo'lim ilmiy xodimlari, respublika va xorijiy olimlar va mutaxassislar ishtirokida s'ezd, simpozium, seminar, konferensiyalar hamda dolzarb ilmiy va ilmiy-texnik muammolar bo'yicha kengashlar tashkil etadi va o'tkazadi;
- Bo'limning hamda Navoiy viloyatidagi sanoat korxonalari, qishloq xo'jalik tarmoqlarining umumiy muammolari bo'yicha xalqaro s'ezd, konferensiya, simpozium, seminarlarda ishtirok etadi;
- ilmiy bilimlarni jamiyatda keng targ'ibot qiladi;
- ilmiy va amaliy tadqiqotlar bo'yicha bajarilgan ishlar to'g'risida ilmiy-texnik hisobot va ma'lumotlarni tayyorlaydi hamda ularni yuqori tashkilotlarga va boshqa davlat organlariga taqdim etadi
- ilmiy va amaliy tadqiqotlar natijasida olingan ma'lumotlarni nashr etish uchun material tayyorlaydi va yo'llaydi;
- ratsionalizatorlik va ixtirochilik takliflarini o'z vaqtida ko'rib chiqilishini ta'minlaydi;
- ilmiy-texnik, mualliflik va Bo'lim manfaati uchun ahamiyatli ishlarni himoya qiladi;
- Xorijiy ilmiy-tekshirish, konsultatsion va o'quv markazlari bilan ilmiy va amaliy aloqalarni o'rnatadi va mustahkamlaydi, ular bilan xamkorlik shartnomalarini tuzadi, tashqi iqtisodiy faoliyatni yo'liga qo'yadi;
- mustaqil xolda xarajatlar smetasi, shtat jadvali, shuningdek, oylik maosh miqdori va mehnatga haq to'lash shartnomalarini shakllantiradi;
- mehnat, tartib intizom, xavfsizlik texnikasi va davlat ijtimoy sug'urtasi to'g'risidagi qonunlarga amal qilishni ta'minlaydi, mehnatni tashkil etishni takomillashtiradi.

III. BO'LIMNING TASHKILIY TARKIBI

11. Bo'limning tashkiliy tarkibi ilmiy tadqiqotlarining asosiy yo'nalishlariga, joriy etilgan vazifalariga muvofiq ravishda shakllantiriladi, Ilmiy kengash tomonidan ko'rib chiqiladi va rais tomonidan tasdiqlanadi, zarur hollarda Fanlar Akademiyasi Hay'ati bilan kelishiladi.

12. Bo'limda Bo'lim Ilmiy kengashi hamda Navoiy viloyati sanoat korxonalari, qishloq xo'jalik tarmoqlarining yuqori malakali xodimlari va respublikamizdagи Ilmiy tadqiqot institutlari yetuk olimlaridan tarkib topgan ilmiy-maslahatchi organ sifatida Idoralalararo Ilmiy -texnik kengash ham faoliyat ko'rsatadi.

13. Bo'limning tarkibiy qismiga ustivor yo'nalishlar bo'yicha ilmiy-tadqiqot ishlari bo'yicha faoliyat olib boruvchi laboratoriylar, ilmiy-texnik bo'linmalar, ilmiy loyihalarni amalga oshiruvchi guruhal, ishlab chiqarish sinov tajriba uchastkalari kiradi.

Bo'lim strukturasi uzluksiz ravishda rivojlanib va takomillashib boradi.

14. Bo'linmani fan doktori yoki nomzodi unvoniga ega bo'lgan mudir boshqaradi. Bo'linmalar ilmiy-tadqiqot laboratoriylaridan tashkil topadi.

Laboratoriya umumiyo yo'nalish bo'yicha birlashgan bir necha ilmiy-tadqiqot guruhidan (loyihadan) tashkil topishi mumkin.

Laboratoriya tarkibiga bosh, yetakchi, katta va kichik ilmiy xodimlar, katta ilmiy xodim izlanuvchi, stajerlar va loyihaning amalga oshirilishida ishtirok etuvchi muhandis-texnik va ilmiy-ko'makchi xodimlar kiradi.

15. Ilmiy-tadqiqot bo'linma (laboratoriya) mudiri:

-bo'linma (laboratoriya) faoliyatiga rahbarlik qiladi va bo'linma (laboratoriya)ga yuklatilgan vazifalarning bajarilishiga ma'sul hisoblanadi, ilmiy tadqiqotlarni ishlab chiqish, shakllantirish va bajarilishini ta'minlaydi, kadrlar tayyorlaydi. Ilmiy- tadqiqot bo'linmasi mudiri bir vaqtning o'zida bo'linma tarkibiga kiruvchi laboratoriya qilishi mumkin.

16. Loyihaning ilmiy rahbari ilmiy tadqiqotlar dasturi bo'yicha amalga oshirilayotgan loyihaga rahbarlikni amalga oshiradi va uning bajarilishi uchun shaxsan javobgardir.
17. Bo'lim dissertatsiyalar himoyasi bo'yicha Ixtisoslashtirilgan kengashda a'zo sifatida qatnashadi va yetuk mutaxassislar tayyorlashda Bo'limda doktorantura faoliyatini tashkillashtiradi.
18. Maqsadli dasturlar va loyihalarni, shuningdek alohida topshiriq va buyurtmalarni bajarish uchun Bo'limda Akademiya miqyosida va tashkilotlararo miqyosda alohida yoki mavjud strukturalar tarkibida markazlar, vaqtinchalik jamoalar tuzilishi mumkin.
19. Bo'lim qoshida Fanlar Akademiyasi Hay'ati tomonidan tasdiqlangan qoidalarga muvofiq xolda ish yuritadigan Bo'lim faoliyati yo'naliishlariga mos holda ilmiy va muammolar kengashlari tuzilishi mumkin. Muammolar kengashi ushbu ilmiy muammolar bilan shug'ullanayotgan yetakchi olim va mutaxassislardan tuziladi va fanning ushbu sohasida ilmiy-maslahatchi organ bo'lib hisoblanadi.
20. Bo'lim tarkibida yo'naliishlar bo'yicha tadqiqotlar olib boruvchi bo'linmalar bilan birga ilmiy-yordamchi, texnik, ma'muriy-xo'jalik va boshqa bo'linmalar va xizmatlar faoliyat ko'rsatadi.
21. Ishlanmalarning iqtisodiyot sohalariga tadbiq qilinishini tezlashtirish maqsadida Bo'lim qoshida, belgilangan tartibda, konstrukturlik byurosi, tajriba va ishlab chiqarish bo'linmlari tashkil qilinishi mumkin.
22. Institut shtat jadvaliga lavozim yo'rqnomalari rais tomonidan belgilangan yangi lavozimlar kiritilishi mumkin.
23. Bo'lim qoshida turli mulkchilik shakliga ega bo'lган va O'zbekiston Respublikasi Qonunlari asosida ish ko'rvuchi kichik va qo'shma korxonalar, ilmiy ishlab chiqarish markazlari, firmalar, aksionerlik jamiyatları va Bo'limdagi yo'naliishlarga mos faoliyat ko'rsatuvchi boshqa kommersion va xo'jalik hisobidagi korxonalar tuzilishi mumkin.
24. Bo'limning tarkibiy bo'linmalari (shuningdek vaqtincha bo'linmalar) ushbu Nizom va rais tomonidan tasdiqlangan qoidalar asosida shakllanadi va o'z faoliyatini yuritadi.

IV. BO'LIMNI BOSHQARISH

25. Fanlar akademiyasining Navoiy bo'limi raisi Fanlar akademiyasining vitse-prezidenti statusiga tenglashtiriladi, hamda o'rindoshlik asosida Navoiy kon-metallurgiya kombinati bosh direktorining ilmiy ishlar va innovatsion rivojlantirish bo'yicha o'rinnbosari etib tayinlanadi va Vazirlar Mahkamasi qarori asosida yillik hisobotiga qarab har yili qaytadan tasdiqlanadi.
26. Bo'lim raisi davlat hokimiyati va boshqarishning hamma respublika va mahalliy organlarida, idoralarda, kompaniyalarda, assotsiatsiyalarda, korxonalarda, tashkilotlar va muassasalarda, jamoat birlashmalarida va shuningdek chet ellarda bo'lim vakili hisoblanadi.

Bo'lim raisi:

Bo'lim faoliyatini yakka hokimlilik asosida boshqaradi va Bo'limga yuklangan barcha vazifalar va funksiyalarning bajarilishi, ushbu Nizomga rioya qilinishi uchun shaxsan javob beradi, Bo'lim xodimlari o'rtasida vazifalarni taqsimlaydi, ularning huquqlarini belgilaydi;

joriy yil va istiqbol uchun ilmiy tadqiqotlarning rejasini ishlab chiqish, shakllantirish ishlarini tashkil qiladi; Bo'limning ilmiy-tadqiqot ishlari dasturlari asosida laboratoriyalarning, boshqa tarkibiy tuzulmalarning va tadqiqot guruhlarining ilmiy-tadqiqot rejalarini tasdiqlaydi;

yuqori tashkilotlarda Bo'limda o'tkazilayotgan tadqiqotlarni moliyalashtirish va moddiy-texnik ta'minoti bo'yicha masalalar muhokama qilinayotganida ishtirok etadi;

Fanlar Akademiyasining rahbar organlarida, yuridik va jismoniy shaxslar va tashkilotlar, shu jumladan

xalqaro tashkilotlar bilan bo'lgan munosabatlarda Bo'lim manfaatlarini himoya qiladi; ilmiy-tadqiqot, tajribaviy va sinash-konstrukturlik ishlari mavzularini tanlovga tayyorlash, ularni amalga oshirish, ilmiy kadrlar yetishtirish bo'yicha prognozlar tayyorlash, ajratilgan mablag'lar doirasida ilmiy-tadqiqot mavzularini moliyalashtirish va moddiy-texnik ta'minotini ta'minlash, ilmiy ishlarni chop etish va Bo'limning boshqa ishlariga rahbarlik qiladi, ilmiy-tadqiqot ishlari bo'yicha hisobotlarni tasdiqlaydi;

Bo'lim Ilmiy kengashi faoliyatini boshqaradi;

Bo'limning xalqaro ilmiy aloqalarga oid ishlariga rahbarlik qiladi, chet ellardagi ilmiy muassasalar va olimlar bilan tuzilgan ilmiy hamkorlik dasturlarining bajarilishini belgilangan tartibda tekshirib boradi;

Bo'limning Respublikadagi boshqa tashkilotlar bilan olib boradigan ilmiy-texnik faoliyatini muvofiqlashtirishni tashkil etadi;

ilmiy tadqiqot ishlari va boshqa topshiriqlarning bajarilishi yuzasidan joriy tekshiruv uyunshiradi, ilmiy tadqiqot bo'linmlarining, shu jumladan alohida olingan xodimlarning ilmiy ishlari bo'yicha hisobotini eshitadi;

belgilangan tartibda Bo'limning ilmiy va ilmiy-tashkiliy faoliyati to'g'risida yuqori tashkilot va boshqarmalarga hisobot taqdim etadi va ma'ruzalar qiladi;

har yili Idoralararo Ilmiy - texnik kengashda, Fanlar akademiyasi xay'atida muhokama qilinib, maqullangan Bo'limning ilmiy, tashkiliy va xo'jalik faoliyati natijalari haqida yillik hisobotni Vazirlar Mahkamasiga taqdim etadi;

ilmiy xodimlarning bo'sh lavozimlariga tanlov o'tkazish huquqiga ega va Ilmiy kengashning tanlovlari natijalari bo'yicha qarorlarini tasdiqlaydi;

Bo'limning ilmiy risolalarini va xodimlarning ilmiy ishlarini nashrga tavsiya etadi, rejadan tashqari ishlarni titul varag'ida Bo'limning nomi ko'rsatilgan holda nashr etishga ruxsat beradi;

tanlovda ishtirok etishi uchun o'rnatilgan tartibda loyihalarni tavsiya etadi;

o'ziga berilgan vakolatlar doirasida ishonch qog'ozsiz, o'rnatilgan tartibda Bo'lim mablag'larini va shu jumladan kredit mablag'larini boshqaradi;

Bo'lim nomidan shartnoma va kelishuvlar imzolaydi va shunday shartnomalar tuzishga ishonch qog'ozlari beradi;

xodimlarning shtat jadvalini tasdiqlaydi, ilmiy tashkilotlar uchun o'rnatilgan lavozim okladlari bo'yicha va bo'linma hamda loyiha rahbarlarining reportlari asosida ishlovchilarga mehnatga haq to'lash miqdorini belgilaydi;

moddiy rag'batlantirish va ishchilarni mukofotlashning tizimi va shaklini belgilaydi, lavozim okladlariga ustama va qo'shimcha to'lovlar o'rnatadi, xodimlarga moddiy yordam ko'rsatish haqida qarorlar qabul qiladi;

Bo'limning ilmiy va boshqa xodimlarini ishga qabul qiladi, boshqa lavozimga o'tkazadi va ularni ishdan bo'shatadi;

Bo'lim kreditlarining bosh taqsimlovchisi bo'lib hisoblanadi va ularning to'g'ri ishlatilishiga amaldagi qonunchilik asosida shaxsan javob beradi;

Bo'lim ixtiyoridagi mablag' va ish haqi fondi doirasida smeta moddalari bo'yicha xarajatlarini tasdiqlaydi; ish haqi fondi doirasida Bo'limning tarkibini va shtatlarini, shuningdek uning tarkibiga kiruvchi tegishli bo'limlarni tasdiqlaydi;

Bo'limda ishlab chiqilgan Nizomda belgilangan tartib va miqdorda xodimlarga ustama va qo'shimcha to'lovlarni belgilaydi;

O'zbekiston Respublikasi qonunlariga, davlat budgetida turgan korxona va tashkilotlardagi buxgalterlik hisobi instruksiyasiga, amaldagi davlat budgeti kirim va chiqimlar klassifikatsiyasiga va O'zbekiston Respublikasi Moliya vazirligining boshqa normativ hujjatlariga muvofiq buxgalterlik hisobini tashkil etadi;

pullar, tovar-mahsulot va boshqa qimmatli narsalarni qabul qilish va topshirish uchun, Bo'limning kredit va hisob kitob majburiyatlarida hamda buxgalterlik hisoboti va balansida asos bo'lib xizmat qiladigan imzo qo'yish huquqini tegishli buyruq bilan tasdiqlaydi;

o'rnatilgan tartibda rahbar, ilmiy, muxandis-texnik xodimlar va mutaxassislar bilan shartnomalar tuzadi; doktoranturalarga qabul bo'yicha tanlov natijalarini, katta ilmiy xodim-izlanuvchilarining muntazam attestatsiyasi natijalarini tasdiqlaydi;

Bo'lim xodimlarini rag'batlantiradi va o'rnatilgan tartibda intizom jazosini qo'llaydi;

sud organlarida, hakamlik sudida, bank va boshqa muassasalarda Bo'lim nomidan qatnashadi, shuningdek ayrim shaxslarga ma'muriy, moliyaviy va xo'jalik masalalarini hal qilishni topshiradi;

o'rnatilgan tartibda o'z vakolati doirasida Bo'lim bo'yicha buyruqlar, qarorlar va ko'rsatmalar chiqaradi;

Bo'limning asosiy fondi va boshqa mulklarining saqlanishini ta'minlaydi;

amaldagi qonunchilik va Fanlar Akademiyasining Nizomi asosida berilgan barcha huquqlardan alohida ishonch qog'ozsiz foydalananadi;

amaldagi qonunchilik asosida Bo'lim faoliyatining boshqa masalalarini ko'rib chiqadi va hal qiladi;

Bo'lim raisi Bo'lim ishtirokida tuzilgan kichik, qo'shma korxonalar, ilmiy markazlar va mas'uliyati cheklangan jamiyatlarning ishlab chiqarish faoliyatidan olingan foydaning ta'sischi sifatidagi Bo'limga tegishli ulishlarini, hamda xo'jalik shartnomalarining bajarilishidan olingan sof foydani, xodimlarni moddiy rag'batlantirish fondiga, avtotransport vositalari, asbob-uskunalar sotib olishga, qurilish va qayta ta'mirlash ishlariga mustaqil ravishda yunaltirishga xaqlidir.

o'zining ba'zi funksiyalarini rais o'rinnbosarlariga yuklash huquqiga ega.

Bo'lim raisining muovini

27. Bo'lim raisining muovini rais tomonidan Fanlar akademiyasining prezidenti hamda "Navoiy kon-metallurgiya kombinati" Davlat korxonasi bosh direktori bilan kelishilgan xolda kontrakt asosida (fan doktori yoki fan nomzodlaridan) tayinlanadi.

28. Bo'lim raisining muovini o'z faoliyatini bo'linma mudirlari va loyiha rahbarlari bilan uzviy bog'langan holda olib boradi va doktoranturalar faoliyatini boshqaradi.

29. Bo'lim raisining muovini vazifalarning belgilangan taqsimotiga ko'ra ilmiy va ilmiy-yordamchi bo'limlarning ilmiy va ilmiy - tashkiliy faoliyati uchun ma'suldir.

30. Bo'lim raisining muovini rais yo'q vaqtlarida uning vazifasini bajaradi.

31. Bo'lim raisi muovininining huquqlari va vazifalari .Bo'limning Nizomiga muvofiq rais tomonidan belgilanadi va lavozim yo'rqnomasida reglamentlanadi.

32. Xalqaro aloqalarning kengayib borishi munosabati bilan, Fanlar Akademiyasining prezidenti bilan kelishilgan holda huquq va majburiyatları Bo'lim Nizomi asosida rais tomonidan belgilangan, raisning halqaro aloqalar bo'yicha muovini lavozimi kiritilishi mumkin.

33. Raisning muovinlari bir nechta bo'lganda ular o'rtasidagi vazifalar taqsimoti rais tomonidan maxsus

buyruq chiqarish orqali belgilanadi.

Rais maslahatchisi

34. Zaruriy holatda rais maslahatchisi rais buyrug'i asosida maslahatchi to'g'risidagi nizomga muvofiq Fanlar akademiyasi Prezidenti hamda Navoiy kon-metallurgiya kombinati bosh direktori bilan kelishilgan holda akademiklar va fan doktorlari ichidan kontrakt asosida tayinlanadi.

Ilmiy kengash

35. Ilmiy kengash kollegial organ bo'lib, Bo'limning ilmiy va ilmiy-tashkiliy faoliyatini hal qilish uchun tashkil etiladi. Uning tarkibiga rais, raisning muovinlari, ilmiy kotib, Fanlar Akademiyasining haqiqiy a'zolari, (akademiklar), bo'linmalarning rahbarlari va boshqa yetakchi olimlari, zarur bo'lganda yordamchi bo'linmalarning bosh mutaxassislari hamda kasaba uyushmasi tashkilotining vakili kiradi;

36. Ilmiy kengash tarkibiga boshqa tashkilotlarda ishlovchi yetakchi olimlar va mutaxassislar ham kiritilishi mumkin.

37. Ilmiy kengashning shaxsiy tarkibi raisning tavsiyasi bilan bir yil muddatgacha (rais vakolatining muddati doirasida) O'zbekiston Respublikasi Fanlar akademiyasi Hay'ati tomonidan tasdiqlanadi.

38. Bo'lim raisi lavozimi bo'yicha Ilmiy kengashning raisidir, u yo'q vaqtida raisning muovini rais bo'ladi; Bo'lim ilmiy kotibi Ilmiy kengashning ilmiy kotibidir.

39. Ilmiy kengash:

tanlovlар mavzularи va mavzuiy rejalarи bo'yicha tayyorlangan ilmiy tadqiqot, tajribaviy, sinash-konstrukturlik ishlari loyihalarni, ilmiy kadrlar tayyorlash prognozlarini, konferensiyalar kengashlar o'tkazish rejalarini ko'rib chiqadi va tasdiqlaydi;

Bo'limning hamma asosiy bo'linmalarи va butun Bo'limning ilmiy va ilmiy-tashkilotchilik faoliyatining eng muhim natijalari bo'yicha hisobotlarni ko'rib chiqadi va tasdiqlaydi;

Bo'limning tarkibiy qismlaridagi o'zgarish bilan bog'liq bo'lgan masalalarni muhokama qiladi; muhim ilmiy muammolarni belgilaydi, ilmiy ma'ruzalarni tinglaydi, institutning o'ta muhim ilmiy ishlari natijalariga baho beradi;

Bo'lim xodimlari tomonidan tayyorlangan ilmiy ishlarni nashrga tayyorlash va chop etish rejalarini ko'rib chiqadi va nashrga tavsiya qiladi;

respublikaning boshqa ilmiy muassasalari va xalqaro tashkilotlar bilan hamkorlik qilish rejalarining bajarilishini muvofiqlashtirish masalalarini muhokama qiladi;

ilmiy kadrlarni tayyorlash rejalarini, doktorlik dissertatsiyalarini mavzularini, tadqiqotchilarni ish rejalarini ko'rib chiqadi va tasdiqlaydi;

ilmiy tadqiqot bo'limlari mudirlari va tanlov loyihalari, tadqiqot guruhlari rahbarlarining shuningdek, ayrim ilmiy xodimlarning hisobotini eshitadi;

ilmiy kadrlarni tayyorlash va malakasini oshirish bilan bog'liq masalalarni muhokama qiladi;

buyuk ilmiy asarlar, ilmiy yangiliklar va ixtirolarni Davlat mukofotiga, shuningdek buyuk olimlar nomidagi medal va mukofotlarga tavsiya etadi;

Bo'lim xodimlarini faxriy nishonlarga va boshqa mukofotlarga tavsiya etadi;

O'zbekiston Respublikasi Fanlar Akademiyasiga, sohalar bo'yicha va boshqa Fanlar Akademiyalariga

haqiqiy a'zolikka (akademiklikka) saylash uchun nomzodlar ko'rsatadi;

Oliy attestatsiya komissiyasiga ilmiy unvonlar berish to'g'risidagi tavsiyanomalar bilan chiqadi; ilmiy xodimlarning bo'sh lavozimlarini egallashi uchun tanlovlar o'tkazadi.

40. Ilmiy kengash, agar majlisda ro'yxatdagi tarkibning uchdan ikki qismi ishtirok etsa, qaror qabul qilish huquqiga ega. Ilmiy kengashning qarori ishtirok etuvchilarning 50 va undan yuqori foizi ovoz bergan takdirda qabul qilingan hisoblanadi. Ko'rib chiqilayotgan masala mohiyati yashirin ovoz berishni talab qilmasa, ochiq ovoz berish yo'li bilan qaror qabul qilinadi;

41. Ilmiy unvonlar berish to'g'risidagi Ilmiy kengash qarorlari Oliy Attestatsiya komissiyasi tomonidan o'rnatilgan tartib asosida qabul qilinadi, ilmiy laboratoriylar (bo'limgar) mudirlarining va ilmiy xodimlarning bo'sh lavozimlarini egallash uchun tanlov masalalari bo'yicha qarorlari amaldagi Nizom asosida qabul qilinadi.

42. Ilmiy kengash qarorlari Bo'lim raisi tasdiqlagandan so'ng kuchga kiradi.

Ilmiy kotib

43. Ilmiy kotib Bo'limning raisi tomonidan kontrakt asosida Fanlar Akademiyasining prezidenti hamda Navoiy kon-metallurgiya kombinati bosh direktori bilan kelishilgan holda tayinlanadi.

44. Ilmiy kotib raisning ilmiy va ilmiy-tashkiliy ishlari bo'yicha yordamchisi hisoblanadi.

45. Ilmiy kotibning vazifalari:

- yuqori rahbar tashkilotlarning topshiriqlari va ilmiy-tadqiqot loyihalari rejalarining bajarilishini nazorat qilish;
- Bo'lim bo'linmalarining takliflari asosida tanlovlar uchun ilmiy-tadqiqot va tajribaviy ishlarni tayyorlashda, kengash va konferensiylar uyushtirishda, ilmiy ishlarni nashr qilishda ishtirok etadi;
- Bo'limning ilmiy-tashkiliy faoliyati bo'yicha yig'ma hisobot tuzadi;
- Bo'lim ilmiy kengashini zarur hujjatlar bilan ta'minlaydi, shuningdek Bo'lim qoshida tuzilgan ilmiy kengashlarga va s'ezd, konferensiya, sinpozium, kengashlar tashkiliy qo'mitalariga yordam beradi;
- doktoranturalar ishlarni tashkil qiladi va amalga oshiradi;
- Bo'limning xizmat bo'yicha yozishmalarini o'z vaqtida va sifatli bo'lishini nazorat qiladi;

46. Bo'limning xalqaro ilmiy aloqalarini amalga oshirish vazifasi yuklangan ilmiy kotib:

- xalqaro ilmiy hamkorlik ishlariiga rahbarlik bo'yicha rais yordamchisi hisoblanadi;
- O'zbekiston Respublikasi Fanlar Akademiyasining chet ellar bilan xalqaro ilmiy hamkorligi dasturlari bo'yicha takliflar va birlashma olimlarining chet ellarga xizmat safari uchun kerakli hujjatlar tayyorlanishini ta'minlaydi;
- belgilangan tartibda chet el olimlarining Bo'limda qabul qilinishini tashkil etadi va ularning tashrif buyurish rejalarini bajarilishini ta'minlaydi;
- xalqaro ilmiy hamkorlik bo'yicha hisobot tayyorlaydi;

47. Ilmiy kotibning huquqlari va vazifalari Bo'lim Nizomiga va lavozimlar yo'riqnomasiga asosan rais tomonidan belgilanadi.

48. Bo'limning bosh hisobchisi Fanlar Akademiyasining bosh moliya-iqtisodiy bo'limi bilan kelishilgan holda rais tomonidan tayinlanadi va o'z faoliyatini bosh hisobchilar haqidagi Nizomga asosan yuritadi. Bosh hisobchining huquq va majburiyatları O'zbekiston Respublikasining amaldagi qonunlari asosida aniqlanadi.

49. Bo'linma (laboratoriya) mudirlari, loyiha rahbarlari, yetakchi ilmiy xodimlar, katta ilmiy xodimlar, kichik ilmiy xodimlar va boshqalarning lavozim bo'yicha vazifalari ushbu Nizom va tasdiqlangan lavozim yo'riqnomalari asosida aniqlanadi.

V. IDORALARARO ILMYI-TEXNIK KENGASH FAOLIYATI

50. Bo'limning Idoralararo ilmiy-texnik kengashi Vazirlar Mahkamasi qarori bilan tasdiqlangan Bo'limning tashkiliy tarkibiga kiritilgan bo'lib, Bo'lim ilmiy faoliyati samaradorligini oshirish, uning vazifalarini to'laqonli bajarishini ta'minlash maqsadida tashkil etilgan jamoatchilik asosidagi ilmiy- maslahatchi organdir.

51. Bo'limning Idoralararo ilmiy-texnik kengashi Nizomi va Kengash a'zolarining ro'yxati Navoiy kon-metallurgiya kombinati bosh direktori bilan kelishilgan holda Fanlar akademiyasining prezidenti tomonidan tasdiqlanadi.

52. Idoralararo ilmiy-texnik kengashi kollegial organ bo'lib Navoiy viloyati sanoat korxonalari, qishloq xo'jalik tarmoqlarida mavjud muammolarini yechish, ishlab chiqariladigan mahsulotlarning tannarxini pasaytirish, iqtisodiy samaradorligini oshirish, aholining turmushi faravonligini oshirishga yo'naltirilgan ilmiy va ilmiy-tashkiliy faoliyatni muvofiqlashtirish, ilmiy tadqiqotlar natijalarini yuqori malakali mutaxassislar va yetuk olimlar o'rtaida muhokama kilish orqali, xolis baho berish va natijalarni ishlab chiqarishga jalg qilishga ilmiy asoslangan tavsiyalar beradi.

53. Idoralararo ilmiy-texnik kengashi tarkibiga Fanlar akademiyasining ilmiy-tadqiqot institutlarining yetuk olimlar va Navoiy viloyati sanoat korxonalari, qishloq xo'jalik tarmoqlari tashkilotlarining yuqori malakali mutaxassislar hamda Bo'lim raisi, raisning muovinlari, ilmiy kotibi kiradi;

54. Idoralararo ilmiy-texnik kengashiga Fanlar akademiyasining prezidenti raislik qiladi.

55. Idoralararo ilmiy-texnik kengashning tarkibida: geologiya, konchilik ishlari, kimyo, qishloq xo'jaligi, energetika kabi tarmoqlar muammolari yechimni topishni muhokama qiladigan alohida seksiyalar ishchi guruhlari faoliyat ko'rsatadi.

56. Idoralararo ilmiy-texnik kengashning seksiyalarida yo'nalishlar bo'yicha Navoiy viloyatidagi sanoat korxonalari, qishloq xo'jalik tarmoqlari tashkilotlari hamda Respublikamizdag'i ilmiy-tadqiqot muassasalar o'rtaida tuzilgan shartnomalarining muvaffaqiyatlari bajarilishini monitoring qilish, tadqiqot natijalarini hisobotlarini har yarim yilda (zarurat tug'ilganda har chorakda) ishchi guruhlari tomonidan muhokama qilinib, ilmiy tavsiyalar beriladi.

57. Idoralararo ilmiy-texnik kengashning seksiyalari ishchi guruhlari tuzilgan xo'jalik shartnomalarining bajarilishi saviyasini monitoring qilish, olingan natijalarning haqqoniy ilmiy asoslanganligini aniqlash uchun ekspertiza o'tkazish (zarurat tug'ilganda qo'shimcha soha mutaxassislarini jalg qilish orqali), olingan xulosalari asosida Kengash muxokamasiga shartnomalarini moliyalashtirishni to'xtatish yoki ko'paytirishga tavsiyalar kiritish xuquqiga egadir.

58. Idoralararo ilmiy-texnik kengashning seksiyalari ishchi guruhlari ekspertlariga tuzilgan xo'jalik shartnomalarining bajarilishini monitoring qilishgani, ilmiy maslahatlar berishgani hamda tadqiqotlardan olingan natijalarning haqqoniy ilmiy asoslanganligini aniqlash uchun ilmiy tahlillar asosida ekspertiza xulosalari berishgani uchun haq to'lash Bo'limning xarajatlar smetasida ko'zda tutiladi.

VI. BO'LIMning huquq va majburiyatlar

59. Nizom bo'yicha o'z vazifalarini amalga oshirish uchun Bo'lim quyidagi huquqlarga ega:

O'zbekiston Respublikasining qonunchiligidagi va halqaro shartnomalarida ko'zda tutilgan huquqiy munosabatlarda o'z nomidan ishtirok etishi;

o'zining vakolat doirasiga kiruvchi va O'zbekiston Respublikasi qonunchiligiga va ushbu Nizomga zid bo'limagan zarur qarorlar qabul qilishi va amalga oshirishi, o'z faoliyatining iqtisodiy, ijtimoiy va tashkiliy masalalarini mustaqil hal qilishi;

shartnomaga asosida ilmiy-tadqiqot ishlarini amalga oshirishi, olingan foydani Bo'lim xodimlarini moddiy rag'batlantirishga, uning moddiy-texnik bazasini mustahkamlash va rivojlantirishga sarflashi;

olib borilayotgan tadqiqotlarga ekspert sifatida, kontrakt asosida davlat va xo'jalik boshqaruvi organlari, korxona va tashkilotlar mutaxassislari, tadqiqot markazlari xodimlari, oliy o'quv yurtlari va chet el olimlari va o'qituvchilarini jalg qilishi;

vazirliklar, boshqarmalar, korxona va tashkilotlarga qonunchilikka mos ravishda axborot, konsalting va chop etish xizmatlari ko'rsatishi;

o'rnatilgan tartibda ish bo'yicha xalqaro hamkorliklarni amalga oshirishi, olimlar va mutaxassislarni chet mamlakatlarga ilmiy safarga yuborishi, chet el olimlarini, xalqaro ijtimoiy, moliyaviy va iqtisodiy tashkilotlarning vakillarini chet el firmalari va kompaniyalarning vakillarini taklif qilishi va qabul qilishi;

nashriyot va poligrafiya faoliyatini amalga oshirishi, ilmiy va davriy nashrlar chop etishi;

ilmiy kutubxonani yig'ishi va to'ldirishi;

Bo'limning harajatlar smetasini aniqlashi va tasdiqlashi, budget va nobudget mablag'larni shuningdek chet el valyutasini olishi va sarflashi, iqtisodiy va moddiy rahbatlantirish fondlari yaratishi;

intellektual va boshqa mulklarga, xo'jalik va boshqa faoliyat orqali olingan mahsulot va foydalarga shuningdek, qonunchilik asosida ishlab topilgan mulklarga ega bo'lishi, foydalanishi va boshqarishi,

o'zining moddiy-texnik bazasini rivojlantirishi, kapital qurilishni amalga oshirishi, asosiy fondlarni rekonstruksiya qilishi va tiklash-ta'mirlash ishlarini amalga oshirishi;

banklarda va boshqa moliyaviy muassasalarda hisob raqamini ochishi va ular bo'yicha mos operatsiyalar o'tkazishi;

rasmiy xalqaro yo'Idoshli, telekommunikatsion va kompyuter aloqalarni sotib olishi va foydalanishi;

Bo'lim o'z qaramog'ida mustaqil balansda istalgan shakldagi mulkchilikka ega bo'lgan konstruktorlik tashkilotlari, tajriba ishlab chiqarishlari, kichik va qo'shma korxonalar, firmalar va boshqa tijorat korxonalariga ega bo'lishi mumkin.

60. Bu huquqlarga muvofiq, Bo'lim:

Ilmiy loyihalarni mablag'lashtirishni yangi tizimiga o'tishning qoidalari doirasida amalga oshirilayotgan ilmiy-tadqiqot ishlarining amaldagi va istiqbol dasturlari, hamda olingan natijalarni iqtisodiyotning turli sohalarida va boshqa tarmoqlarda qo'llash dasturlari bo'yicha tanlovlarda ishtiroy etadi;

doktoranturalarga qabul qilish rejasi bo'yicha, maqsadli tayyorlashni hisobga olgan holda takliflar ishlab chiqadi;

Bo'limning tahriri - nashriyotchilik faoliyati rejalarini tuzadi va amalga oshiradi;

asosiy ilmiy yo'nalishi bo'yicha ilmiy va ilmiy-texnikaviy konferensiyalar, seminar, simpozium va maktablar, shu jumladan xalqaro tadbirlar o'tkazish loyihasini tuzadi va amalga oshiradi;

dissertatsiyalar himoyasi bo'yicha ixtisoslashtirilgan kengashlar tuzadi va ularning ish faoliyatini ta'minlaydi, zarur bo'lgan holda bu kengash ehtiyojlari uchun harajatlar smetasini tuzadi, ularni tasdiqlaydi va Bo'limning joriy yil harajatlarining umumiy ro'yxatiga kiritadi;

O'zbekiston Respublikasining amaldagi qonunlariga binoan, o'z xodimlari bilan ular yaratgan intellektual mulk ob'ektlariga huquq beruvchi shartnomalar tuzadi;

belgilangan tartib asosida eksport-import operatsiyalarini amalga oshiradi, ularga, shu jumladan, intellektual mulk (patent, litsenziya, «nou-xau», foydali modellar, sanoat namunalari, tovar belgilari,

«injenering» xizmati, konsalting va boshqalar) ob'ektlari natijalari ham kiradi;

Bo'limning ilmiy sohasiga mos yo'nalishdagi ilmiy-tadqiqot va tajriba – konstruktor ishlarini bajarish uchun shartnomalar tuzadi, shuningdek O'zbekiston Respublikasi qonunchiligiga zid bo'limgan boshqa faoliyat turlari bo'yicha ham shunday shartnomalar tuzilishi mumkin;

Bo'lim yo'nalishi bo'yicha buyurtmachilar bilan tuzilgan shartnomalardagi ilmiy-tadqiqot ishlari (ITI) hajmini mustaqil belgilaydi va bu shartnomalardan tushgan mablag'larni o'rnatilgan tartibda tasdiqlangan smeta bo'yicha sarflaydi;

faoliyatining rejadagi ko'rsatkichlari bajarilgan taqdirda, tadqiqot va ishlanmalar uchun ajratilgan budget mablag'larini va buyurtmachilar bilan tuzilgan shartnomalar bo'yicha tushgan mablag'ni tejash natijasida hosil bo'lgan foydani jamoa ixtiyorida qoldiradi;

tarkibiy bo'linmalar sonini va xodimlar miqdorini belgilaydi;

ayrim dasturlarni, loyihalarni shu jumladan ayrim buyurtma va topshiriqlarni bajarish va ishlanmalarni xalq xo'jaligiga tezroq joriy etish uchun vaqtincha ijodiy jamoalar tuzadi;

muayyan lavozimlar uchun belgilangan razryadlar chegarasida razryadlarni, tarif stavkalarini va maoshlarga amaldagi qonunchilik ko'zda tutgan ustamalarni va qo'shimcha to'lovlarini tayinlaydi va o'zgartiradi;

birlashma ichida foydalanishga mo'ljallangan normativ hujjatlarni (lovozim yo'riqnomalari, tarkib, bo'linmalar, ularning o'zaro munosabatlari, ishlarni tashkil qilish, mehnatga haq to'lash sistemasi, harajatlarni hisobdan chiqarish va hokazo) ishlab chiqadi, tasdiqlaydi va joriy qiladi;

mehnatga vaqtbay asosida xaq to'lashda, ishbay asosida ishlovchilarning tarif stavkalari qo'llaniladigan ishchi kasblarining ro'yxatini belgilaydi, ish sharoiti og'ir va zararli bo'lgan, o'ta og'ir va o'ta zararli bo'lgan ishchilar uchun shunday ishlarning sohalar bo'yicha ro'yxati asosida tarif stavkalariga farqli qo'shimcha to'lovlar belgilaydi;

mehnat haqidagi qonun va uzlusiz ish kunida ishlovchi xodimlar lavozimlarining yuqori tashkilot tomonidan tasdiqlangan ro'yxati asosida uzlusiz ish kunida ishlovchi xodimlar uchun qo'shimcha ta'til muddatini belgilaydi;

maqsadga muvofiq xollarda xodimlarga belgilangan tartibda bir yo'la bir necha lavozimda ishlash va xizmat ko'rsatish doirasini kengaytirishga ruxsat beriladi;

mukofotlash va ustama xaq to'lash haqidagi tasdiqlangan nizomga muvofiq xodimlarni mukofotlaydi va ularning lavozim maoshlariga ustama haq belgilaydi;

ilmiy tadqiqot ishlarini moddiy-texnik ta'minoti bo'yicha tezkor faoliyat ko'rsatadi; uzlusiz va bir me'yorda ishlash uchun homashyo, materiallar, yonilg'i va boshqa resurslarning zarur zahiralariga ega bo'ladi hamda ularni tejab sarflash choralarini ko'radi;

ixtiyoridagi mablag' doirasida qurilish, asosiy fondlarning rekonstruksiyasi, kapital va joriy ta'mirlash ishlarini olib boradi, pudrat shartnomasi yoki xo'jalik usuli asosida olib borilayotgan ishlarning bajarilishini nazorat qiladi, ob'ektlar va sotib olingan asbob-uskunalarning jadal ishga tushirilishini ta'minlaydi;

Bo'lim boshqa tashkilotlardan naryadsiz, to'g'ridan to'g'ri, shartnoma bo'yicha beriladigan mahsulotlarni oladi, shuningdek, moddiy-texnik ta'minotiga zaruriy buyumlarni ulgurji va chakana savdo yo'li bilan sotib oladi, amaldagi qonunlarga muvofiq ishlab chiqarish va texnikaga oid mahsulotlarni, shuningdek, nashrlarni sotish va almashtirishni yo'lga qo'yadi. Asosiy faoliyatidan tashqari tushgan nobudjet mablag'lari hisobiga vositachilik, konsalting va lizing operatsiyalarini bajaradi, amaldagi qonunchilikka asoslanib qimmatbaho qog'ozlar bilan operatsiyalar bajaradi.

o'rnatilgan tartibda axborotni uzatish tarmoqlarini loyihalash, qurish, foydalanish va xizmat ko'rsatish ishlarini bajaradi;

maxsus maqsadlar uchun dasturiy ta'minotni ishlab chiqish, qo'llash va kuzatish ishlarini amalga oshiradi;

vaqtincha ishlatilmay turgan maydon, xona va asosiy jihozlarni ijara beradi;

asosiy fondlarni kapital ta'mirlash bo'yicha shartnomalarni Bo'lim mustaqil tuzadi.

61. Bo'lim eng yaxshi ilmiy ish uchun, shu jumladan yoshlar uchun ham maxsus mukofotlar ta'sis etishi va tegishli tanlov o'tkazishi mumkin;

62. Bo'lim o'z xodimlarining shuningdek boshqa fan va madaniyat xodimlarining fan tarixi uchun qimmatli bo'lgan qo'lyozmalarini shakllantirish, saqlash va ularni arxivga uzatish huquqiga ega.

63. Bo'lim boshqa ilmiy tashkilotlar, oliy o'quv yurtlari, kutubxonalar, fondlar, nashriyotlar va boshqa mamlakatlar tashkilotlari bilan bosma nashrlar almashish huquqiga ega.

64. Bo'lim o'zining ba'zi tarkibiy bo'limlarini alohida balansga o'tkazish huquqiga ega, bunda bu bo'limlarning faoliyati bilan bog'liq bo'lgan javobgarlik mas'uliyati Bo'limga yuklatiladi. Ko'rsatilgan bo'linmalarning aktiv va passivi Bo'limning umumiy balansiga kiritiladi.

65. Bo'limga berilgan huquqlar rais tomonidan yoki o'rnatilgan vazifalar taqsimoti bo'yicha Bo'limning boshqa mansabdar shaxslari tomonidan amalga oshiriladi.

66. Bo'lim olingen natijalarning yuqori saviyada va sifatli ekanligiga, ularning jahonning eng ilg'or natijalari darajasida ekanligiga, ilmiy jamoaning ijodiy imkoniyatlarini maksimal realizatsiya qilishiga sharoit yaratib berilganligiga javobgardir.

67. Ilmiy-ishlab chiqarish faoliyati bo'yicha Bo'limning vazifalari:

- yuqori tashkilotlar va davlat boshqaruvi organlari qarorlari bilan yuklatilgan vazifalarni, shuningdek xo'jalik sub'ektlari bilan ilmiy-izlanish va amaliy ishlarni bajarish to'g'risidagi shartnomalarni tuzishda olingen majburiyatlarni sifatli bajarish;
- yosh mutaxassislarning malakalari va bilimlarini oshirish uchun hamma sharoitlarni yaratib berish, Bo'lim ilmiy potensialining o'sishiga yordam berish;
- mulk vositalari va mehnat resurslarini samarali sarflash;
- Bo'lim balansidagi ishonib topshirilgan mulkning butunligini ta'minlash, ilmiy uskuna va asboblarning ishlash qobiliyati va foydalanish xarakteristikalarini saqlab turish;
- Bo'lim xodimlarini ma'naviy-ma'rifiy, madaniy va jismoniy tarbiyalash bo'yicha faoliyat yuritish.

68. Bo'lim davlat budjeti, ta'minotchilar, pudratchilar va boshqa tashkilotlar bilan o'z vaqtida va to'la miqdorda hisob-kitob qilib borishga majbur.

69. Bo'lim mehnat haqidagi qonun, mehnatni muhofaza qilishning qoidalari va me'yorlari, texnika xavfsizligi, yong'in xavfsizligi, ishlab chiqarish sanitariyasi, davlat sotsial sug'urtasi, mehnat intizomi haqidagi qonunlarning bajarilishini ta'minlaydi.

70. Bo'lim o'rab turgan havo, tuproq va suv havzalarini himoya qilish uchun, xo'jalik chiqindilari, oqava suv va tashlandiqlar bilan ifloslanmasligi uchun, shuningdek, shovqin va radioto'sqinliklarga qarshi kurashish uchun zarur choralarini ko'radi.

VII. BO'LIM FAOLIYATINING IQTISODIY ASOSLARI

71. Bo'lim ilmiy-tadqiqot va tajriba-konstrukturlik ishlarini va xo'jalik faoliyatini olib borishda, Bo'limga biriktirilgan bino, inshoot, uning balansida turgan asosiy va boshqa mulk fondlari, shu bilan birga budjetdan tashqari faoliyat tufayli ega bo'lgan moddiy boyliklar va mablag'lar, ilmiy izlanishlar, patent-nashriyot va boshqa faoliyat turlari tufayli yaratilgan nomoddiy aktivlardan foydalanadi.

72. Bo'lim o'z faoliyatini unga o'tkazilgan asosiy fond va mulklar, hamda amaldagi O'zbekiston Respublikasi qonunchiligi doirasida shaxsan ega bo'lgan asosiy fond va mulklardan foydalangan holda amalga oshiradi.

73. Bo'limning ish faoliyatini tashkillashtirish, saqlash, boshqaruv, yordamchi xizmat, bo'linmalarning zaruriy ilmiy xodimlari oylik maoshlari, kommunal xizmat, avtotransport, safar xarajatlari va boshqa

Bo'limning to'laqonli faoliyat ko'rsatishi uchun zarur mablag'lar hamda amaliy va innovatsion tadqiqotlarini amalga oshirishga yo'naltirilgan xarajatlar "Navoiy kon-metallurgiya kombinasi" Davlat korxonsining mablag'lari hisobidan, shu jumladan tegishli ilmiy-texnologik ishlanmalarnin joriy etish natijasida olingan sof foydaniing 10 foizi miqdori evaziga tasdiqlangan yillik xarajatlar smetasiga asosan amalga oshiriladi.

74. Bo'limning qo'shimcha moliyalashtirish manbalari O'zbekistan Respublikasi Fan va texnologiyalarni rivojlantirish Agentligi tomonidan tanlov loyihalarini amalga oshirish uchun ajratilgan mablag'lar, shu bilan birgalikda belgilangan tartiblarda jalb qilingan budgetdan tashqari (xo'jalik shartnomalari asosidagi ishlar, tashqi va ichki investitsiyalar, maxalliy va xorijiy grantlar, ishlab chiqarilgan maxsulot va intellektual mulklarning realizatsiyasidan kelgan foydalar, xomiy tashkilotlarning qaytarilmaydigan yordami va boshqa manba'lar) mablag'lar hisoblanadi.

75. Bo'limning budget mablag'ini sarflash ilmiy loyihalarni mablag'lashtirish uchun o'rnatilgan tartib asosida, ajratilgan mablag' doirasida, loyiha rahbari tomonidan tuzilib, rais tasdiqlagan smeta bo'yicha amalga oshiriladi.

76. Nobudget mablag'lar esa budget tashkilotlari uchun tuzilgan normativ xujjatlarda belgilangan tartib asosida sarflanadi. Xo'jalik shartnomasi bo'yicha ishlar, maxalliy va chet el grantlarini amalga oshirish uchun vaqtincha bo'limlar, guruhlar yoki vaqtincha ijodiy jamoalar tuzilishi mumkin.

77. Bo'lim quyidagi huquqlarga ega:

-xo'jalik va tadbirkorlik faoliyati, shu jumladan jalb qilingan boshqa mablag'lar hisobiga yaratilgan o'z mablag'i va foydasining bir qismi asosida rivojlantirish fondlari, xodimlarni moddiy rag'batlantirish va sotsial himoya qilish fondlari va shu kabi maxsus moliyaviy va innovatsiya fondlari tashkil qilishi mumkin. Ushbu fondlarni tuzish va fond mablag'larini surf qilish Fanlar Akademiyasi Hay'ati tomonidan O'zbekiston respublikasi Moliya vazirligi bilan kelishilgan holda ishlab chiqilgan maxsus qonun qoidalar asosida olib boriladi;

-ustama harajatlar uchun ajratilgan grant mablag'larini hisobidan boshqaruv apparati va boshqa yordamchi bo'limlar harajatlarini, shuningdek bilvosita communal harajatlarni qoplaydi;

-o'z mablag'larini miqdoridan kelib chiqqan holda, xizmatchilar mehnatiga haq to'lashni mustaqil ravishda hal qiladi;

-belgilangan tartibda ma'naviy va jismoniy eskirgan, ishlatib bo'lingan, kelajakda ishlatishga va sotishga yaramaydigan asosiy vositalarni, ilmiy jihoz va asboblarni, transport vositalarini, inventar, asbob va boshqa moddiy boyliklarni, debitor va kredit qarzlarini, boshqa qarzlar, shu jumladan kamomad qarzlarini o'z balansidan o'chiradi;

-belgilangan tartibda eskirgan va ishlatilmaydigan jihozlarni, asboblarni, materiallarni, inventarni sotishi va shuningdek ayrim hollarda Hay'at qaroriga asosan boshqa tashkilotlarga bepul berishi mumkin. Sotishdan tushgan mablag' qonunchilikda ko'rsatilgan tartibda Bo'lim ixtiyorida qoladi;

-budgetdan tashqari faoliyat yuritishda Bo'lim balansidagi budget mablag'larini hisobidan, shuningdek boshqa jalb qilingan mablag'lar hisobiga olingan asosiy vositalardan foydalaniishi mumkin.

78. Bo'lim o'z balansidagi bino, imorat, asosiy fond va boshqa mulklarning saqlanishini ta'minlaydi. Bular O'zbekiston Respublikasi qonunlarida ko'rsatilgan tartibda egalik qilish huquqi va mulkchilik shaklini

o'zgartirmagan holda boshqa tashkilotlarga ijaraga berilishi mumkin.

VIII. HISOB-KITOB, HISOBOT VA NAZORAT

79. Bo'lim o'z faoliyati bo'yicha, operativ va buxgalterlik hisob-kitobi, statistik hisobot yuritadi va hisobot natijalari va balans hisoblarining haqqoniyligini ta'minlaydi.

IX. BO'LIM Nizomini o'zgartirish va to'ldirish

80. Bo'lim Nizomiga o'zgartirishlar kiritish Bo'lim Ilmiy kengashining qarori va Akademiya Xay'atining kelishuvi bilan amalga oshiriladi va o'rnatilgan tartibda davlat ro'yxatidan o'tkaziladi.

X. BO'LIM ni qayta tashkil etish va tugatish

81. Bo'limni qayta tashkil etish va tugatish Fanlar Akademiyasining Qarori bilan, Respublika Vazirlar Mahkamasining tegishli Qarori asosida amalga oshiriladi.

Nizom O'zbekiston Respublikasi Fanlar Akademiyasi Xay'atida muhokamasi qilinib, maqullangan va tasdiqlashga tavsiya qilindi.